



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1846

MCDLXXV. Markgraf Friedrich bestätigt den vom Markgrafen Johann mit
dem Kloster Neu-Zelle geschlossenen Tausch über die Güter Hohenwalde
und Podegrün, die das Kloster Wrat, Brißke und Lindau dem ...

Nutzungsbedingungen

[urn:nbn:de:hbz:466:1-56104](https://nbn-resolving.org/urn:nbn:de:hbz:466:1-56104)

MCDLXXV. Markgraf Friedrich bestätigt den vom Markgrafen Johann mit dem Kloster Neuzelle geschlossenen Tausch über die Güter Hohenwalde und Pödegrün, die das Kloster für Wrat, Brieske und Lindau dem Markgrafen abgetreten, am 27. Juli 1429.

Wir fridrich, von gots gnaden Marggraff czu Brandenburg, des heiligen Romischen Reichs Ercz Camrer vnd Burggraff czu Nuremberg, Bekennen offentlich mit diesem brieff gein allermeniglich, Als der hochgeborn furste, vnser lieber sone, her Johans marggraff czu Brandenburg vnd Burggraff czu Nuremberg, dem wirdigen vnsern lieben getrewen hern peter Abbt czu der newenzelle vnd seinen gottshuse diese nachgeschriebene dorffer mit namen vratt, Bryszke vnd lindaw mit allen iren czugehorungen, die von vns vnd vnser herrschafft des marggraethums czu Brandenburg czu lehn ruren, uereygent vnd sein brieffe vnd uerschreibung daruber gegeben hat, dargegen der vorgnant Abbt fur sich, sein nachkommen vnd gotczhawfze dem vorgnanten vnsern lieben Sone diese nachgeschriben dorffere mit namen hohenthalde vnd Bodegryen mit allen Iren czugehorungen, Als die von Im vnd seinen gotczhawfze zu lehn ruren vnd pauls grosz von franckfurt von Im czu lehn hat, widervmb czu lehn gemacht vnd denselben paul groszen mit der lehnschafft derselben dorffer an den gnanten vnsern Sone geweiht hat etc., Bekennen wir das solich vereygen der vorgnanten dorffer, so vnser Sone dem vorgnanten Abbt vnd seinen gotczhuse getan hat, vnser guter swille vnd vulhort ist vnd Confirmiren vnd bestaten dem vorgnanten Abbt vnd seinem gotczhuse solch eigenthum der vorgnanten dorffer mit Iren czugehorungen, in crafft diecz brieffs, doch mit nemlicher vnd funderlicher beheltnutz vnd aufnehmung, das der gnant Abbt vnd sein gotczhawfz die vorgnanten dorffer von vns vnd vnsern erben haben vnd das wir vnd vnser erben vnd herrschafft gemein landbete, Steuer vnd dinst douon haben vnd behalten sollen, Als auff andern vnsern gutern vnd clostern on geuerde. Des czu bekentnuz haben wir vnser Inzigel an diesen brieff ton hencken, der geben ist czu plawen an mittwochen nach sant Jacobs tag, Anno etc. XXIX. R. dominus per se.

Nach dem Churmärk. Lehnscopialbuche des K. Geh. Kab.-Archivs XVI, 25.